


唐兩京城坊考

一





唐兩京城坊考

(一)

撰 松 徐

唐兩京城坊考序

古之爲學者、左圖右史、圖必與史相因也。余嗜讀舊唐書及唐人小說、每於言宮苑曲折、里巷岐錯、取長安志證之、往往得其舛誤、而東都蓋闕如也。己巳之歲、奉

詔纂輯唐文、於永樂大典中得河南志圖、證以玉海所引、禁扁所載、灼是次道舊帙、其源亦出於韋述兩京記而加詳焉。亟爲摹鈔、愛同球璧、校書之暇、采集金石傳記、合以程大昌李好問之長安圖、作唐兩京城坊考、以爲吟咏唐賢簞什之助。昔宋皇祐中、欲行入閣儀、而莫知故實、後仁宗得唐長安圖、其儀始定。元豐時、都官員外郎蒙安國、得唐都省圖獻於朝、遂遷舊七寺監如唐制。政和四年、宋昇奏端門橋制考唐洛陽圖之四橋、而胡身之注通鑑、亦引閣本太極宮圖、閣本大明宮圖、是唐宮省之圖、在宋時已珍重如斯、況於今又數百年後哉。嘉慶蒼龍上章、敦牂孟夏之月、北平徐松、書於文穎館直廡。

唐兩京城坊考圖

西京外郭城圖

西京三苑圖


西京宮城圖


西京皇城圖

西京大明宮圖


西京興慶宮圖


西京外郭城圖






西京三苑圖






西京宮城圖



西京皇城圖



廣運門


承天門

安福門


順義門

含光門

參差門



西京興慶宮圖



唐兩京城坊考卷之一

大興徐松星伯譔

平定張穆誦風校補

西京

唐西京初曰京城。隋之新都也。開皇二年所築。

按周漢皆都長安。而非隋唐之都城。文王作豐。在今西安府郿縣。武王宅。在今咸陽縣西南。漢都城在唐城西北十三里。自劉聰劉曜石勒苻健苻

堅姚萇所據。皆漢城也。隋開皇二年。始移於龍首原。

唐天寶元年曰西京。至德二載曰中京。上元二年復曰西京。次年曰上都。

宮城

宮城東西四里。南北二里二百七十步。

按七十呂大臨長安圖作四十。

周十三里一百八十步。其崇三丈五尺。南卽皇城。北

抵苑。東爲東宮。西爲掖庭宮。

隋時規建。先築宮城。次築皇城。次築外郭城。故唐西京宮城最在北。皇城在宮城南。外郭城又在皇城南也。

宮城亦曰西內。其正牙曰太極殿。唐龍朔後天子常居大明宮。大明宮在宮城東北。故謂大內為西內。景雲元年改曰太極宮。城之南面五門。長安志作六門。蓋通東宮門計之。正南

承天門。隋開皇二年作。初名曰廣陽門。仁壽元年改曰昭陽門。唐武德元年改曰順天門。神龍元年改曰承天門。門外有朝堂。東有肺樓上。舊書高祖斬皇甫希仁於順天門。即承天門也。朝野僉載。西京朝堂北頭。隋曰唐興村。門前有大槐樹。文皇帝移長安城。將作大匠高穎常坐此樹下。檢校後栽樹行不正。欲去之。帝曰。高穎坐此樹下。不須殺之。至先天一百三十年。其樹尚在。承天門正當唐興村門首。按唐興村隋曰楊興村。唐時改之。若元正冬至。陳樂設宴會。赦宥罪。除舊布新。當萬國朝貢使者。四夷賓客。則御承天門以

聽政。六典。承天門。古之外朝。按舊書李泌傳。代宗山陵。鸞駕發引上號。送於承天門。是奉送山陵。亦御此門。承天門東長樂門。舊書王志愔傳。開元十年。有京兆人。樓梁山。僞稱襄王。男自號光帝。與其黨及左右屯營押官謀反。夜半

時。擁左屯營兵百餘人。自景風長樂等門。斬關入宮城。蓋由景風門入皇城。西行折而北。由長樂門入宮城也。長安志。以廣運在長樂之東。非是。今從六典。廣運

門內有西左藏庫。按隋初有右藏黃藏。開皇十三年始闢左藏院。故有左藏庫之稱。或以在西者為右藏。誤也。雍錄。太極宮中。東左藏庫。在恭禮門東。西左藏庫。在安仁門西。按通鑑注。引閣本太極宮圖。言西左藏之西。則通訓門。通訓門。蓋

通明門。長安志。作三門。亦通東宮門計之。中為定武門。南直承天門。李氏圖作元武門。按舊書尉遲敬德傳。元吉步走。欲歸武德殿。敬德奔逐射殺之。其宮府諸將率兵大至。屯於元武

明門。北嘉猷門。北面一門。長安志。作三門。亦通東宮門計之。中為定武門。南直承天門。李氏圖作元武門。按舊書尉遲敬德傳。元吉步走。欲歸武德殿。敬德奔逐射殺之。其宮府諸將率兵大至。屯於元武

之說。隋曰建春門。後改通訓門。明皇時。鳳皇飛集通訓門。詔改鳳皇門。西面二門。南通

明門。北嘉猷門。北面一門。長安志。作三門。亦通東宮門計之。中為定武門。南直承天門。李氏圖作元武門。按舊書尉遲敬德傳。元吉步走。欲歸武德殿。敬德奔逐射殺之。其宮府諸將率兵大至。屯於元武

欲歸武德殿。敬德奔逐射殺之。其宮府諸將率兵大至。屯於元武

門則作元武爲是。通鑑隋文帝忌太子勇於元武門達至德門。量置候人。胡注元武門隋大興宮城北門亦作元武。定武門東安禮門。

太極殿者。朔望視朝之所也。六典太極蓋古之中朝。隋曰大興殿。武德元年改高宗以後居東內。則大喪多殯此殿。正門曰嘉德門。南直承天門。諸城劉氏喜海藏唐魚符有文曰嘉德門內巡疑入

宮城所佩符。非東殿門曰太極門。隋曰大興門。後改乾福門。貞觀八年改太極門。長安志云殿東隅有鼓樓。西隅有鐘樓。貞觀四年置永樂大典。載閣本太極宮圖。鐘樓在東。鼓樓在西。門之兩廡爲東

西閣門。通鑑注引閣本太極宮圖。太極殿有東上閣門。西上閣門。按閣門。兩廊爲左右延明門。在東者左延明門。在西者右延明門。舊書節愍太子誅武三思。可轉北入兩儀殿。太宗時以此爲入閣。若東內則以入紫宸爲入閣。

成王千里率左右數十人。斫右延明門。開元禮。朔日受朝儀。言設御輦於太儀殿。典儀設官位於橫街之南。蓋延明相向。中爲東西橫街也。左延明門外爲門下省。楊炯庭菊賦序。天子幸於東都。皇

爲左。爲史館。在門下省北。貞觀三年置祕書內省。以修五代史。又置史館。以編國史。尋廢祕書內省。爲宏文館。在門下省東。宏文館始置於武德四年。以聚書。名爲修文館。九年改宏文館。又曰文學館。館側有殿。通鑑注引閣本太極宮

圖。不載此館。宏文殿。貞觀三年移於納義門西。九年改昭文館。開元七年復舊。右延明門外爲中書省。省內有內客省。通鑑自上武德殿入。虔化門。檢賈齊福李獻於內客省。胡注四方館。隸中書省。故客省在焉。爲舍

人院。舊本長安志圖。舍人院在中書省東南。今從之。嘉德門之兩廊。東爲歸仁門。又東恭禮門。南直長樂門。西爲納義門。又西安仁門。安一作興。

廣運門。南直太極殿北。曰朱明門。門亦有東西上閣門。見大典閣本太極宮圖。其左爲虔化門。虔一作乾。按通鑑高祖封唐王時。日於虔化門視事。是虔化隋舊門名也。

唐兩京城坊考 卷一

右爲肅章門。度化南直恭禮門。肅章南直安仁門。朱明門以內爲內朝。故度化肅章以內爲宮內。節愍太子之案上官婉兒衛肅章王直之作亂。皆欲入肅章以入宮也。寶懷貞之亂。睿宗出肅章門。文德皇后之葬。段志元等亦由肅章以出宮也。肅章

西爲暉政門。度化東爲武德門。閣門之東曰萬春殿。又東曰立政殿。見通鑑注引閣本太極宮圖。與大典閣本圖合。立政殿前有立政門。太宗文德皇后崩於此。

殿。又東曰大吉殿。見長安志。前有大吉門。莊恪太子薨於少陽院。遷居此殿。又東曰武德殿。殿有東西門。門西與度化門齊。貞元四年。築垣自武德東門屬於宮城。此東門也。舊書高宗紀。許敬宗待詔武德西

門。此西門也。舊書高祖令太宗居西宮之承乾殿。元吉居武德殿後。閣門之西曰千秋殿。長安志。兩儀殿前有獻春門。宜秋門。當即萬春千秋兩殿之門。通鑑注引

閣本太極宮圖云。宜秋門在千秋殿西。百福門東。然則獻春門東向。宜秋門西向矣。舊書隱太子葬日。太宗於宜秋門哭之。獻春或作宜春。通鑑注引閣本太極宮圖射殿在宜春門北。又西曰百福殿。前有百福門。睿宗崩於此殿。宣宗改爲雍

和殿。內有親親樓。爲諸王宴會之所。又西曰承慶殿。前有承慶門。即太宗所居。舊書作承乾者誤。則有暉政門焉。門東與肅章門齊。高安長公主薨。發哀于暉政門。朱明門北爲兩儀

殿。常日聽政則御之。六典。兩儀。古之內朝。隋曰中華殿。貞觀五年改。中葉以後。帝后喪亦多殯此殿。按舊書令狐德棻傳。高宗召宰臣及宏文館學士於中華殿。是其時兼用舊名。殿北曰甘露殿。明皇自蜀

還常居其門曰甘露門。門外爲永巷。東西橫街巷東東橫門。再東日華門。巷西西橫門。再西月華門。甘露殿之

北曰延嘉殿。大典閣本太極宮圖。兩儀殿後。即延嘉殿。無甘露殿。長安志云。延嘉殿在甘露殿近北。殿南有金水河。往北流入苑。故補于此。延嘉之北曰承香殿。長安志圖作承香殿。誤。則達元武

門焉。長安志承香殿東即元武門蓋殿在元武門少西大典閣本太極宮圖元武門在承香殿正北 甘露之左曰神龍殿。中宗元宗皆崩於此殿前有神龍門 右曰安仁殿。前有安仁門 安仁

之北曰歸真觀。觀北曰綵絲院。大典閣本圖作絲綵 院西曰淑景殿。又西則三落四落五落為東西千步廊。千步廊在月華門北

廊之北三落四落五落自淑景殿以次而西為衛士之居。城之西北隅有山池院。其南有薰風殿就日殿。見大典閣本圖 其東海池三。西內凡海池四一在咸池殿東一在

望雲亭西。一在凝陰閣北。一在凝雲閣北。故雍大記謂之四海池。通鑑注引閣本太極宮圖云太極宮中凡有三海池。東海池在元武門內之東。近凝雲閣。北海池在元武門內之西。又南有南海池。近咸池殿。蓋以近望雲亭與凝陰閣者為一也。舊唐書尉遲敬德殺元吉是

時高祖泛舟於海池。凝陰閣。長安志作凝香閣誤今從大典閣本圖 望雲亭。景福臺西見長安志 鶴羽殿。凝陰閣西 咸池殿。延嘉殿西 環之。又東曰景福臺。承香殿西北

神龍之北曰功臣閣。凌煙閣。通鑑注引閣本太極宮圖延嘉殿之東為功臣閣功臣閣之東為凌煙閣與大典所載閣本圖合貞觀十八年畫功臣像於此閣段志元碑貞觀十六年圖形於戟武閣未知即凌煙閣否又唐儉碑

有凌煙閣字。敘於陷賊庭前。其事在高祖時。則閣之建也舊矣。後唐應順元年。修凌煙閣奏云。閣在西內三清殿側。畫像皆北面。閣有中隔。隔內北面寫功高宰輔。南面寫功高諸侯王。隔外面次第畫功臣題贊。通鑑注引

閣本太極宮圖及大典閣本圖皆作凝雲閣。長安志作凝陰殿。毬場亭子。凝雲閣北 環之。城之東北隅有紫雲閣。其南有山水池閣。西為南北千步

廊。南至尚食內院 殿閣之外廟一。曰孔子廟。大典閣本圖月華門西有孔子廟他書不載 寺一。曰佛光寺。長安志寺在神龍殿西大典閣本圖 柳宗元為王京

兆賀嘉蓮表云。聖旨出西內神龍寺前水渠內合歡蓮。院一。綵絲院。曰尙食內院。長安志作尙食院。大典閣本圖有內字。舊書韓偓傳言帝行武德殿前。因至尙食局。當即此

院。公主院。長安志。院在千秋殿西。庫三。左藏庫。曰司寶庫。閣東。曰武庫。在武德東門東。見大典閣本圖。曰甲庫。在西左藏庫西。見大典閣本圖。或作武庫誤。倉一。曰

內倉廩。在虔化門內。見大典閣本圖。通鑑注引閣本太極宮圖。武德門在虔化門東。入門過內倉廩。立政殿。萬春殿。即東上閣門。按所謂入門者。入虔化門也。

三清殿。近凌煙閣。昭慶殿。承香殿西。大典閣本圖。不載。不知在景福臺左右。觀雲殿。長安志作凝陰殿北。疑即凝陰閣之望雲亭。或在凝雲閣之側也。宏文殿。近觀雲殿。通鑑。侯

伴於觀德殿。胡注。觀德殿射殿也。閣本太極圖射殿在宜春門北。新殿。長安志。近萬春殿有新殿。相思殿。通鑑。貞觀開。薛延陀突利設來納幣。上御相思殿。胡身之云。據褚遂良疏。殿在元武門內。飛霜殿。貞觀二十五年宴五品以上於飛霜殿。昭德殿。太平廣記引大唐雜語。昭宗文德二年正朔。御武德殿。有紫氣出於昭德殿東隅。得金龍子一枚。改元爲龍紀元年。臨湖殿。舊書。高祖召裴寂等欲令窮殿。其事建元吉行至臨湖殿覺變。長樂

殿。嘉壽殿。臨照殿。望仙殿。翔鳳殿。乘龍殿。文思殿。見六典。禁扁。翔鳳門。宣猷門。崇道門。昭德門。正禮門。惠訓門。

宣光門。通福門。光昭門。華光門。暉儀門。壽安門。綏福門。見六典。長安志。禁扁。肅政門。見六典。禁扁。顯福門。通鑑注。西內翰林院在顯福門內。興安

門。通鑑。太宗聞高士廉卒。帥左右自興安門出。胡身之注。貞觀以前。人主常居太極宮。則此興安門非大明宮之興安門。蓋太極宮中。別自有興安門也。

顯道門。金液門。通鑑。太宗力疾至顯道門外。赦天下。敕太子於金液門聽政。胡身之注。顯

道門。金液門。通鑑。太宗力疾至顯道門外。赦天下。敕太子於金液門聽政。胡身之注。顯

道金液，爲通內諸門。圖志不能盡載。元德門、白獸門。通鑑隆基與劉幽求等出苑南門，使葛福順將左萬騎攻元德門，李仙舟將右萬騎攻白獸門，約會於凌煙閣前，胡身之注曰：禁苑南門，直宮城之元武門。元德、白獸，皆通內之門。按白獸門，即

杜詩所謂寂寞白獸園也。顏魯公康希銑碑，父國安，遷博士，白獸門內供奉。不知其處。

東宮，傅宮城之東，南北與宮城齊。長安志不載東宮東西里數，以宮城四里，除皇城東西五里一，南面門爲嘉福門。長安志作

重福，次北曰重明，又北曰宣明。按宮門無疊至三門者，重福、禁扁作嘉福。長安志言宣明是嘉福所改名，則二門爲一門明矣。今刪正。北面門爲元德門。永樂大典載太極宮東宮圖，北門爲至德門，按至德門，當是隋時舊名，見前定武門下注。

長安志圖又作安禮宮之正殿曰嘉德殿。一曰顯德，武德九年，太宗卽位於顯德殿，後避中宗諱，改明德。正門曰重明門，殿門曰嘉德門，嘉德門外

之兩廊爲左右永福門，其門內之兩廊爲左右嘉善門。永樂大典圖作左右嘉德，今從長安志。嘉德殿之左右，東爲奉化門，西

爲奉義門。長安志作東西奉化門，今從大典圖。其內爲左右春坊，嘉德殿之北爲崇教殿。或作崇政，誤。唐會要，貞觀十七年十一月二十八日，誕皇太孫，太子宴宮寮於宏教殿，太宗幸

東宮，自殿北門入，禁扁崇教，一曰宏教，又有宏教門。正一麗正殿，作政。麗正殿之左爲崇仁殿，麗正殿之右爲崇文殿。按東宮右春坊內有崇文館，當在此殿之側。麗正

殿之北爲光天殿。長安志作光大，今從大典圖。又北爲承恩殿，其北爲元德門。諸殿方位，皆依大典圖。承恩殿之左右爲宜春、秋宮。

前有宜春宮門宜秋宮門宜秋禁扁作融秋

宜春之北為北苑

通鑑注天寶中即東宮置宜春北苑按既曰北苑當在宜春宮之北長安志言在宜春宮門外非也今正

其南道東為典膳廚道西

為命婦院宜秋之南為內坊又有八風殿射殿

大典圖在宜春門內之東

左右長林門

皆見長安志志又云左右長林門本名宏禮嘉福武德元年改重光宣明按通鑑

建成分屯左右長林號長林兵胡注東宮有左右長林門自是未改名時也

亭子院山池院佛堂院

皆見長安志

鷹鶴院

見大典圖按皆在北苑中

長生院

舊書陳夷行傳充皇太子侍讀詔五

日一度入長生院侍太子講經按胡身之通鑑注曰唐寢殿皆謂之長生殿武后寢疾之長生殿洛陽宮寢殿也肅宗大漸越王係授甲長生殿長安大明宮之寢殿也長恨歌七月七日長生殿華清宮之寢殿也然則大內之寢殿通曰長生殿則太子所居通曰長生院矣不知其處

掖庭宮傅宮城之西

在千步廊之西掖庭宮東西不及一里長安志以為東西四里誤

北與宮城齊南至通明門有西門

貞觀三年敕左丞戴胄於掖庭西門簡宮人出之按掖

庭宮有東西門無南北門東門通大內蓋即嘉猷門西門外即修德坊其時未築夾城故宮人於此出也

衆藝臺

長安圖志雜說云掖庭東北垣上有一方臺考之於志恐所謂宮人教藝之所名衆藝臺者也

內侍省在宮西南

內侍省隋之長秋監唐貞觀三年改內侍省光宅元年為司宮臺神龍元年復舊省內有紫蘭亭畢氏曰新唐書志長秋監武德四年曰內侍監龍朔二年為省垂拱元年曰司宮臺與長安志異長安志內侍省在通明門西南

皇城

傳宮城之南面曰皇城亦曰子城東西五里一百一十五步南北三里一百四十步周十七里一百五十

步新齊志皇城長一千九百一十五步廣一千二百步按唐法以三百六十步爲里則南北之廣當作一千二百二十步南面三門正南曰朱雀門北當宮城之承天門南當外郭之明德門門外橫街正東直春明門正西

直金東曰安上門至德三載改爲西曰含光門唐書劉崇望傳楊復恭稱兵闕下陳於通化門上陳兵於延喜門是夜命崇望守度支庫明日曉入含光門門內禁軍列于左右俟門開即劫掠兩市崇望諭

之曰聖上在街東公等禁軍何不樓前殺賊將士唯唯從崇望至長樂門按是時崇望在含光門故謂延喜爲街東崇望之入含光蓋欲入廣運以守西左藏其趨長樂則以近延喜又衛東左藏耳東面二門南曰景風門北

曰延喜門直東當外郭之通化門貞元四年修延喜門覆道屬於承天門回鶻使及回鶻西面二門南曰順義門北曰安福公主至德宗御延喜門觀之宣宗御延喜門見河隴老幼數千人賜以冠帶

門西當外郭之開遠門朝野僉載曰睿宗先天二年正月十五十六十七夜於京安福門外作鐙輪高二十丈衣以錦綺飾以金銀鐙五萬盞(鐙望之如花樹宮女千數衣羅綺曳錦繡耀珠翠施香粉一花冠一巾被皆至萬錢裝束一妓女皆至三百貫妙簡長安萬年

少女婦千餘人衣服花紋媚子亦稱是於鐙輪下踏歌三日夜歡樂之極未始有之武元衡赴西川節度憲宗御安福門慰遣之長安志言貞元四年築武德東門垣屬于安福門於是武庫從西廢焉按武德殿在西內之東必不能及武庫武德字蓋誤城中

南北七街東西五街左宗廟在安上門右社稷在含光門百僚麻署列於其間凡省六寺九臺一監四按圖子監

在皇城之南衛十有八按左右金吾衛在皇城之東西左右羽林軍在大明宮之東西此無十八衛也東宮官屬凡府一坊三寺三率府十自兩漢以後至四宮作三

於晉齊梁陳並有人家在宮闕之間。隋文帝以爲不便於事。於是皇城之內。惟列府寺。不使雜居。公私有辨。風俗齊整。實隋文之新意也。

宮城南門外。

卽承天門。

有東西大街。謂之橫街。

東出皇城之延喜門。西出皇城之安福門。皇城各街皆廣百步。惟此街南北廣三百步。所以限隔二城也。

橫街之南。有南北大

街。曰承天門街。

東西廣百步。南出皇城之朱雀門。中朝故事。天街兩畔槐樹。俗號爲槐街。

承天門街之東。宮城之南。第二橫街之北。

近有得唐納粟磚者。其文曰。貞觀十四年十二月廿四日。街東第一院。從北向南第六行。從西向東第九窰。納和粟六千五百石。第四頭紀。

王府典籤陳元瑜。右監門直長鄭端高。買太倉府史韓達。豎雲宮副監常明。副使晉王府口陸元土使人。水部郎中押件臣。又一磚文曰。貞觀廿三年十二月九日。大街從北向南第一院。從北向南第六行。從西向東第十三窰。納和粟米四千四百石。第一頭一千五百石。和粟官人右領口騎口賈仁。左衛兵曹任元逸。第二頭二千九百石。和粟官人平准丞蔡彌。雍州參軍口師利。左監門校尉馮武達。右監門校尉口和。隋窰匠張阿劉。太倉府步勳監事趙口丞口吳口田口。和粟副使左監門長史王元榮。大殿中丞長孫文則。司農卿清河公楊宏禮。按窰粟之地不可考。而所謂大街與街東者。當是承天門街之第二橫街。故和窰官人多是左右監門左右衛王府之人。以皇城地皆解舍。故可置窰。若朱雀門外之大街。則諸坊所在。民居相雜。非可儲粟矣。附此

俟考。

從西第一門下外省。次東殿中省。次東左千牛衛。次東左衛。隋左監門衛左翊衛二府之地。武德初併爲此衛。門額本睿宗所題。開元初進入內。街東安上

門街。街東第一東宮內坊。長安志作內作坊誤。次東右春坊。次東右清道率府。次東右監門率府。府北右內率府。府

東東宮朝堂。有北街。街東第一左監門率府。府北左內率府。次東左清道率府。次東家令寺。次東左春坊。

坊東有南北街。街東即皇城東面延喜門之內。

承天門街之東第三橫街之北。

從西第一左監門衛。武德中分取左武衛地自北街移於此。次東左武衛。次東貞觀中有左金吾內府後廢。次東左驍衛。衛東安上門街。街東第

一東宮僕寺。次東率更寺。次東右司禦率府。長安志作司禦衛誤。次東右衛率府。府東有南北街。北當東宮朝堂。街東第一

左衛率府。次東左司禦率府。長安志作司禦衛誤。次東詹事府。府東有南北街。街東即皇城之東面。

承天門街之東第四橫街之北。

從西第一尙書省

省門額本齊宗書開元初進入內後右庶子魏華所題省內當中有都堂本尙書令廳事都堂之東吏部戶部禮部三行每行四司左司統之都堂之西兵部刑部工部三行每行四司右司統之舊戶部在禮部後武太后改從

天地六官之名以戶部爲地官因移在前凡二十四司左右丞相總領其事大唐新語王上客自負其才意在前行員外俄除膳部員外頗懷愧吏部郎中張敬忠戲詠之曰有意嫌兵使專心去考功誰知腳踰躑幾落省牆東以膳部在省東北隅也考功員外郎廳事有薛稷畫鶴宋之間爲讚工部尙書廳事有薛稷畫松石並爲時所重右丞廳事有古冢俗誤爲樗里子墓國史補曰郎官正事吏部郎中二廳先小銓次格式員外郎二廳先南曹次廢置刑部分四覆戶部分兩賦其制尙矣舊說吏部爲省服禮部爲南省舍人考功度支爲振行比部得廊下食以飯從者二十四曹呼左右司爲都公省中語曰後行祠屯不博中行都門中行刑戶不博前行駕庫因話錄曰尙書省東南隅通衢有橋相傳目爲拗項橋言待御史及殿中久次者至此必拗項而望南宮也都堂南門道東有古槐垂陰至廣相傳夜深聞絲竹之音省中有入相者俗謂之音聲樹祠部呼爲冰廳言其清且冷也李涪

省東安上門街街東第一都

水監次東光祿寺寺東有南北街

北當東宮朝堂開元初開

街東軍器監

本少府監甲弩坊後爲軍器使開元四年置監監東卽皇城東面景風門之北畢氏曰新唐書志云武德初有武器

監七年廢八年復置九年又廢開元以前軍器皆出在尙方署三年置軍器監十一年廢爲甲弩坊諫少府十六年復爲監按唐會要作武德元年置軍器監貞觀元年廢十六年復爲監會要作天寶六載

承天門街之東第五橫街之北

從西第一左領軍衛

衛北有兵部選院

次東左威衛

衛北有刑部格式院

次東吏部選院

以在尙書省之南亦曰吏部南院選人看榜名之所也

次東禮部

南院。四方舉人都會所也。據言進士舊例于都省考試南院放榜張榜牆乃南院東牆也別築起一堵高丈餘外有墻垣未辨色即自院將榜就南院張掛之元和六年爲監生郭東里決破棘籬圻裂文榜因之後來多以虛榜自省門而出正榜張亦稍晚院東安占街橫街抵此而絕。

承天門街之東第六橫街之北

從西第一太僕寺

寺西北隅乘黃署別開北門署內貯掌指南車記里鼓及轆轤之屬

次東大府寺

舊都水監之地

寺東安上門街街東第一少府監

儲宗

再幸山太廟焚毀權以少府監大廳爲太廟

次東左藏外庫院

隋大府寺置於此又分置坊院東有南北街街東即皇城東面景風門南也

承天門街之東第七橫街之北

從西第一太常寺

廣記引國史異纂崔日知歷職中外恨不居八座及爲太常卿于都寺廳事後起一樓正與尙書省相望時人謂之崔公望香樓

寺東安上門街街東第一太廟

其地

本隋大府寺玉作坊坊中有御井貞觀中廢玉作坊于此置大府寺賜坊以曝四方貢賦之物溼者先天中置廟廢坊焉

中宗廟元獻皇后廟

章公肅禮閣新儀曰乾元元年立廟於太廟之西寶應二年遷神主於太廟貞元三年修葺奉

安昭德皇后神主永貞元年耐於太廟

次東太廟署

署東署南並有街即皇城東南隅也

承天門街之西宮城之南第二橫街之北。

從東第一中書外省次西四方館。

隋曰謁者臺卽諸方通表通事舍人受事之司。通鑑姚崇寓居閤極寺以病
姑謁皆源乾曜請遷崇於四方館崇以四方館有簿書非病者所宜處固辭。

次西右

千牛衛次西右監門衛次西右衛衛西含光門街橫街抵此而絕。

承天門街之西第三橫街之北。

從東第一右武衛。

衛西貞觀中有右
金吾內府後廢。

次西右驍衛次西含光門街街西將作監。

卽皇城西南面
安福門之南。

承天門街之西第四橫街之北。

從東第一司農寺寺西含光門街街西第一尙舍局。

本帳幕坊局
內有山池。

次西尙輦局次西衛尉寺次西大理寺。

寺西有南門街。

街西卽皇城西
面順義門之北。

承天門街之西第五橫街之北。

從東第一右領軍衛。次西右威衛。衛門本南向。開元七年。御史中丞李倫隱以此衛南門與御史臺門相對。不便。遂白政事。移門北向。次西祕書省。監院廳事前有隕星石。隋自咸陽移置于此。

此少監王劬作瑞石頌以贊美之。監院東有書閣重覆。以貯古今圖籍。大唐新語。虞世南為祕書監。於書後堂集羣書中典義。號北堂書鈔。今此堂猶存。因話錄。祕書省落星石。與薛少保畫鶴賀監草書。郎餘令畫鳳相傳為四絕。元和中。韓公武為祕書郎。挾彈中鷄一眼。時謂之五絕。又曰。祕書省之東。即右威衛。荒穢摧毀。其大廳。

通校書院。南對御史臺。有人嘲之曰。門綠御史臺。廳被校書侵。

省西含光門街。橫街抵此而絕。

承天門街之西。第六橫街之北。

從東第一宗正寺。次西御史臺。

御史臺記曰。御史臺門北開。蓋取肅殺就陰之義。故京臺門北開矣。按鄴都故事曰。御史臺在宮城西南。其門北開。又故城御史臺亦北開。龍朔中。置桂坊為東朝憲府門。亦北開。然都御史

臺門南開。當時創造者不經。反於故事。同諸司。蓋以權宜邪。譚賓錄曰。北開者。或云自隋初移都之時。兵部尚書李圖通兼御史大夫。欲

向省便近。故開北門。元和四年。御史臺佛舍火。罰直御史李齊。一季俸料。唐語林。御史臺三院。一曰臺院。其僚曰侍御史。二曰殿院。其

僚曰殿中侍御史。三曰察院。其僚曰監察御史。察院南院。會昌初。監察御史鄭路所葺禮祭廳。謂之松廳。南有古松也。刑察廳。謂之壓廳。

疑於此。多壓。兵察。常主院中茶。茶必市蜀之佳者。貯於陶器。以防暑溼。御史躬親緘啓。故謂之茶瓶廳。吏察。主院中入朝。人次第名籍。謂

之朝簿廳。吏察之上。則館驛使。館驛使之上。則監察使。同僚之冠也。殿院廳。有壁畫。小山水。甚工。云是吳道子真跡。

次西司天監。

本隸祕書省。為太史局。後別為渾儀監。尋復舊名。而不屬祕書監。內有蠶臺。以候雲物。崇七丈。周八十步。畢氏曰。太史局。

武德四年。置改渾儀監。光宅元年也。復舊名。長安二年也。景龍二年。又曰太史監。不隸祕書省。景雲元年。又為局。隸省。開元二年。復為太史監。十四年。復為局。天寶元年。復為監。不隸省。乾元元年。曰司天監。

監西含光門街。街西第一

廢石臺

本司農寺草坊之地。景龍中。韋庶人置石臺。雕刻綵樓。上建頌臺。蛟龍蟠繞。下有石馬石獅子侍衛之像。初。韋氏嬖。稱衣箱有五色雲氣。使畫工圖像。以示於朝。及節愍太子遇害。韋氏又上中宗。聖威神武頌。刊名以紀其事。謂之頌臺。上官昭容之文也。

井勒公卿姓名於上。詔詞僞事。有乖典實。景雲元年毀之。後爲御史臺推事院。按長安志。既載石臺於此。又載於朱雀門街下。言在開化坊。而開化坊下無一言及之。志文踳駁。今刪彼而存此。

臺北司農寺草坊

坊門 次西

驢馬坊

坊門 北開

坊西有南北街。

街西即皇城西。面順義門之南。

承天門街之西第七橫街之北

橫街南即皇城南。面朱雀門之西。

從東第一鴻臚寺

德宗建中元年。以鴻臚寺左右威遠營隸金吾。通鑑。回紇犯含光門。突入鴻臚寺。蓋入門而東。即寺也。

次西鴻臚客館

如漢之藁街。四夷慕化。及朝獻者居焉。

館西含光

門街街西第一大社

南門額。隋平陳所得。即東晉王右軍所題。隋代重以粉墨模之。

次西郊社署

署西署南並有街。即皇城之西南隅。

大明宮

大明宮在禁苑東偏。舊太極宮後苑之射殿。據龍首山。

龍首山長六十里。來自樊川。由南而北。行至渭濱。乃折向東。頭高二十丈。尾漸下。可六七丈。漢之未央。據其折東高處。故宮高

出長安城上。大明宮又在未央之東。其基愈高。故含元殿基高於平地四丈。

南接都城之北。西接宮城之東北隅。亦曰東內。其城南北五里。東西三里。

呂大臨圖云大明宮城廣二里一百四十八步縱四里九十五步。雲麓漫鈔云唐志大明宮縱一千八百步廣一千八十步今實計縱一千一百一十八步廣一千五百三十五步。按雲麓漫鈔所言唐志之數即長安志南北五里東西三里之數其實數即呂大臨圖之數惟據縱一千一百一十八步則呂圖

當云廣三里三十八步也蓋有脫誤。貞觀八年置為永安宮次年改大明宮備太上皇消暑龍朔二年高宗病

風痺以宮內湫溼命司農少卿梁孝仁修之改名蓬萊宮。初梁孝仁悉於庭院列白楊樹指示左驍衛大將軍契苾何力何力不荅但誦古詩曰白楊多悲風蕭蕭愁殺人意謂此

冢墓木也孝仁遽伐去更植松柏。南面五門正南丹鳳門。至德三載改明鳳門尋復舊名本當京城翊善坊北門置宮後分翊善永昌各為二坊當北門街廣一百三十步南北盡二坊之地南抵永興坊北門之東其東

望仙門。南當皇城東第二街貞元中修有樓十間望仙門內之東壁有雅樂樂具庫見樂府雜錄。次東延政門。抵長樂坊之北丹鳳門西建福門。南抵光宅門外坊之北望

跨東西龍首渠。按宰相入朝翼衛及建福門而止見令狐楚傳。門外有百官待漏院。雍錄故事建福門望仙門昏而閉五更五點而啓至德中有吐蕃自金吾仗亡命因救晚開宰相待漏太僕寺車坊元和元年初置百官待漏院各

據班品為次在建福門外候禁門啓入朝。次西興安門。南當皇城之啓夏門舊京城入苑之北門開皇三年開。東面二門南為太和門門外則餘四門並與宮同置。按劉鬪吳元濟獻俘皆於此門。

左三軍列焉。門之北從西第一左羽林軍第二左龍武軍第三左神策軍。太和門北為左銀臺門西面二門南日營門北右銀臺門。門皆有仗舍通鑑昭

宗恐李順節作亂詔劉景宣西門君遂召順節順節入至銀臺門二人邀順節於仗舍坐語。右銀臺門之北九仙門。通鑑注引閣按北軍仗院在銀臺門之南不應已入銀臺而反南至仗舍疑各門自有兵衛皆有仗舍。本大明宮圖

石銀臺門之北有九仙門。又北轉東則凌霄門。金鑿密記九仙殿銀井有梨。門外則右三軍列焉。門之北從東第一右羽林軍。第二右龍武軍。第三右神策。

軍按左右三軍卽所謂北軍也。以中官領之。以在苑北。又謂之北司。北面三門。中元武門。德宗造門樓。外設兩廊。持兵宿衛。謂之北衙。按本紀。大中二年。修左銀臺門及南面城牆。至睿武樓。則元武改睿武矣。門外有

飛龍殿。雍錄後苑有驥院。禁馬所在。元武之左銀漢門。右凌霄門。凌霄一作凌雲。又作青雲。李輔國仗兵凌霄門以俟太子。卽此。

丹鳳門內正牙曰含元殿。武后改大明殿。南去丹鳳門四百餘步。東西廣五百步。按殿有東序門。見舊書代宗皇后沈氏傳。大朝會御之。殿之前廊有翔鸞閣。棲鳳

閣。舊書郝處俊傳。上元元年。高宗御含元殿。東翔鸞閣。觀大酺。肅宗紀。至德三載。大閱諸軍於含元殿庭。上御棲鳳閣。觀之。李華含元殿賦。左翔鸞而右棲鳳。閣下卽東西朝堂。有肺石。登聞鼓。金吾

左右仗院。按李訓傳。言石榴樹甘露。則左仗院也。通鑑。李晟破朱泚。屯含元殿前舍。金吾仗院。則右仗院也。其側有門曰側門。景龍中。於側門降斜封墨敕。授人官。時諸王退朝。於側門候止。後又於側門受詞訟。引對都督刺史之官及御史出使者。閣

前有鐘樓鼓樓。舒元與御史臺記曰。每朝會。監察御史二人。立於東西朝堂甬道。雜人報點。監者押百官由通乾觀象入宣政門。及班於殿廷前。則左右巡使二人。分押於鐘鼓樓下。左右砌道盤上。謂之龍

尾道。龍崖道自平地七轉。上至朝堂。分爲三層。上層高二丈。中下層各高五尺。邊有青石扶欄。上層之欄柱頭刻螭文。謂之螭頭。左右二史所立也。諫議大夫立於此。則謂之諫議坡。兩省供奉官立於此。亦謂之蛾眉班。其中下二層石欄刻蓮花頂。夾道

東則通乾門。西則觀象門。含元殿後曰宣政殿。天子常朝所也。殿門曰宣政門。門外兩廊爲齊德門。在東

禮門。在西一作齊禮興德舊本長安志圖作齊禮門崇德門當從之。按門外有樂樹元微之詩松閒待制應全遠藥樹監搜可得知。

其內兩廊爲日華門。在東溫造傳宮中昭德寺火火在宣政殿東隔垣宰臣兩省京兆尹

中尉樞密環列。月華門。在西唐詩紀事言張九齡裴耀卿罷免之日自中書至月華於日華門外。

日華門外爲門下省。太和六年毀如京倉以其地歸門下

省又云寶厩末好廣苑門省。馬廄因通入禁中至是遷之。

其東宏文館。太宗始於宏文殿側置宏文館後徙於門下省。

謂之待制貞元閒又令未爲長官而預常參者亦每日引見謂之巡對亦謂之次對蓋此待制院候宣政殿引對者也。思政殿側之待制院候延英殿引對者也。待制院在史館西據大典載閣本大明宮圖訂。

又東待詔院。唐初仿漢立待詔後以武后諱改詔爲制每御正衙日令諸司長官二人奏本司事。

之正地直日華之東偏。史館北爲少陽院。雍錄長慶元年於門下省東少陽院築牆及樓觀劉季述曾昭宗于少陽院更名問安有竹一叢翠接階屺。

少陽院東有南北街街北出崇明門。崇明門東卽左銀臺門元宗於崇明門選後院。崇明門東卽左銀臺門元宗於崇明門選後院無用者還其家蓋由此以出左銀臺門。

訓門。昭訓門東與太和門直西卽通乾門。月華門外爲中書省。省有政事堂舊制宰臣常於門下省議事政事堂在門下省故長孫无忌爲司空房元齡爲僕射魏徵爲太子太師皆云知門下省事高宗永淳二年七月歲炎自

中書令執朝政始移政事堂于中書省開元十一年中書令張說改政事堂爲中書門下其政事印改爲中書門下印錢氏大昕云後唐升元觀牒有數印其文曰中書門下之印蓋宰相印也省有四門憲宗命宰相闔中書四門搜捕滑渙是也宋中錫傳亦言中書東門又

有西軒見通鑑杜棕事政事堂舊有後門宰相時過舍人院咨訪政事常袞塞之以示尊大唐人以左右分兩省官左散騎左諫議給事中皆屬左省右散騎右諫議中書舍人皆屬右省白居易有西省北院新作小亭種竹開窗東通騎省與李常侍隔窗小飲詩蓋中書省

中之舍人院東接右騎省直舍南面有戶而北無之樂天故於省北棚亭以通騎省屬也。雍錄曰杜甫為左拾遺作紫宸殿退朝詩云宮中每出歸東省會送鸞龍集鳳池鳳池者中書也言左省官方自宮中退朝而歸東省又復集於西省者就政事堂見宰相也岑參為右補闕與杜同時杜荅參詩曰窈窕清禁闈罷朝歸不同謂分東西班各退歸本省也又曰君隨丞相後我往日華東謂宰相罷朝由月華門出而入中書凡西省官亦隨丞相出而西若杜為左省官仍自東出日華門也

省南為御史臺

於中書省

南廊架南北為軒由東入院門首為中丞院次西雜事院又西左右巡使院門皆北向故曰御史北臺亦曰御史臺中書南院見舒元輿記

省北為殿中外院殿中內院

長安志不載外院內院作內省據大典閣本改通鑑

注引閣本大明宮圖中得省與延英殿其間僅隔殿中外院殿中內院與大典本合長安志內省之北有親王待制院閣本圖不載故不取

院西為命婦院

命婦朝於光順門故置院於此

後改為集賢殿書院

舊書職官志云大明宮所置書院本命婦院屋宇宏敞按西京之有書院仿東都之制也開元二十四年駕在東都張九齡遣直官魏光祿先入京造之

院西有南北街街北出光順門

外命婦朝皇后及百官上

書皆於此門門西即右銀臺門

街南出昭慶門又南出光範門

光範門西與日營門直東即觀象門昌黎上宰相嘗伏光範門下者蓋由此門入中書省

殿東西皆有上閣門

御紫

宸時喚仗由此閣門入故曰入閣常朝開東閣門忌辰則開西閣門

宣政殿後為紫宸殿

宣政之後為第一橫街紫宸延英之後為第二橫街見畫境錄

殿門曰紫宸門天子便殿也不

御宣政而御便殿曰入閣紫宸之後曰蓬萊殿西清暉閣其北太液池池有亭

通鑑注池中有蓬萊山亦謂之蓬萊池李泌奏德宗云陛下嘗令太

子見臣於蓬萊池其時帝為泌作書院於蓬萊殿側故太子見之於蓬萊池又憲宗欲近獵苑中至龍首之勢至此夷為平地而蓬萊池西蓋由池之西出元武門入重元門即禁苑太液亭有尙書君臣事跡文宗命工匠所刊

蓬萊之西偏南。餘有支隴。因坡爲殿。曰金鑾。殿西曰金鑾坡。長安志云。金鑾西南有金鑾御院。環金鑾者曰長安。大典閣本圖。長安殿在

云長安一。曰仙居。大典閣本圖。仙居殿在金鑾。曰拾翠。大典閣本圖。拾翠殿在仙居殿西北。曰含冰。大典閣本圖。含冰殿在

名長樂。曰仙居。大典閣本圖。仙居殿在金鑾。西長安志。仙居在長安北。曰拾翠。大典閣本圖。拾翠殿在仙居殿西北。拾翠殿東。當金鑾西北。曰承香。大典閣本

圖。承香殿在含冰殿東。長安志云。承香殿在含冰殿東南。曰長閣。長安志。承香殿北有長閣。曰紫蘭。長安志。紫蘭殿在承香殿東北。通鑑。貞觀二十年。宴回紇。俟利發吐

殿。此芳蘭。疑卽紫蘭。按今閣本圖。紫蘭殿在元武殿之前。胡注。後或前字之訛。自紫蘭而東。則太液池北岸之含涼殿。長安志。含涼殿在太液池南。今據大典閣本圖改。元武門內

之元武殿也。長安志。元武殿在紫蘭殿東北。由紫宸而東。經綾綺殿。雍錄。載館本圖。在浴堂北。今從通鑑注。引閣本圖及大典閣本圖。浴堂殿。殿前有浴堂門。見順

李絳。宣徽殿。在浴堂殿東。見大典閣本圖。溫室殿。在宣徽殿南。見通鑑注。及大典閣本圖。明德寺。在左銀臺門之西。見大典閣本圖。長安志。作昭德寺。以達左銀臺門。銀臺

門之北。爲太和殿。清思殿。通鑑注。引閣本圖。入左銀臺門稍北。卽太和殿。又西。卽清思殿。又通鑑。蘇元明入銀臺門作亂。上時在清思殿。擊毬。注云。自左銀臺西入經太和殿。清思殿。清思殿之南。則宣徽殿。北則珠鏡殿。舊書。薛存誠

傳。敬宗於宮中造清思院新殿。蓋卽此也。武光衡賀甘露表。望仙臺。在清思殿西。見大典閣本圖。唐語林。武宗於大明宮中築聖恩以元和殿前所降甘露。宣示百寮。疑元和或太和之謬。望仙臺。改爲文思院。雲麓漫鈔云。望仙臺在宣政殿東北。

珠鏡殿。在望仙臺北。見大典閣本圖。大角觀。長安志。大角觀在珠鏡殿東北。大典閣本圖不載。而珠鏡殿西北有元元皇帝廟。疑卽此觀也。則極於銀漢門。大典閣本圖作鎮濟門。蓋傳寫之訛。由紫

唐兩京城坊考 卷一

二二

宸而西。歷延英殿。前有延英門。通鑑注。閣本大明宮圖。中書省與延英殿其間僅隔殿中外院殿中內院。六典會要以延英在

畔開便門以通宰臣。自閣中赴延英路。則不在紫宸東明矣。僖宗乾符中。以殿梁上生玉芝。改爲靈芝殿。尋復舊名。唐制內中有公事商量。降宣頭開延英。中書有數奏入。膀子請開延英。延英門內之左有含象殿。思政殿。在延英南。與延

此見羣臣舊書。崔郾薛戎高鉞傳。皆待制院。在思政殿側。舊樂院地。大厩十。內侍別省。見大典。閣本圖。以達右銀臺門。銀臺門

之北。爲明義殿。承歡殿。通鑑注。引閣本圖。光順門在紫宸門之西。光順門內。則明義殿承歡殿。與大典閣本圖。還周殿。在承

北。見大典。左藏庫。見大典。閣本圖。左。麟德殿。殿有三面。南有閣。東西有樓。故曰三殿。憲宗謂李絳。明日三殿對來是也。雅錄。又

亭。或卽西廊也。殿東卽寢殿之北。相連。各有障日閣。凡內宴多於此。貞元十二年。宴宰相於麟德殿之東亭。文宗幸三殿。東亭觀開元東

封圖。長安志。麟德殿有會慶亭。禁扇。麟德殿側有景雲閣。殿之左卽左藏庫。明皇將幸蜀。移仗北內。出延秋門。過左藏。通鑑注。謂北內爲

大明宮。翰林院。在麟德殿西。重廊之後。以其在銀臺門之北。故草制其間者。因名北門學士。開元二十六年。於院南。九仙門。翰林院

翰林門。長安志。翰林門北卽九仙門。三清殿。大福殿。二殿在凌霄門內。三清在左。大福在右。見大典。閣本圖。則達於凌霄門。宮垣之外。兩邊有掖門。門內有凝

霜殿。碧羽殿。紫簫殿。鬱儀閣。承雲閣。修文閣。此條見長安志。按諸傳不言掖門。未知所在。大典閣本圖於左銀臺門外有夾道。豈掖門所在歟。

九仙門之外。有關雞

樓走馬樓。見大典閣本圖。闕雞樓在北。走馬樓在南。

思賢殿。通鑑文宗疾甚。迎穎王至少陽院。百官謁見於思賢殿。當亦在大明宮。會寧殿。通鑑文宗幸會寧殿作樂。成泰殿。通鑑懿宗於成泰殿築壇爲內寺尼受戒。天福殿、文明殿。天福二年。

御史奏云文武百寮。每五日一度內殿起居。在京城時百官於朝堂幕次。自文明殿門入。穿文明殿庭入東上閣門。至天福殿序班。疑文明殿卽宣政殿之更名。天福殿卽紫宸殿之更名。長生殿。肅宗大漸。越王係授甲長生殿。闕氏若璩云大明宮寢殿也。

壽春殿。通鑑上仗劍登乞巧樓。韓令誨等逼上下樓。上行樓及壽春殿。李彥弼已於御院焚火。是日冬至。上獨坐思政殿。翹一足。一足踣闌干。中和殿。通鑑考異引實錄。憲宗崩於大明宮之中和殿。乞巧樓。通鑑昭宗在乞

巧樓。劉季述王仲先伏甲士於門外。胡注云。按劉季述傳。乞巧樓在思元門內。近思政殿門。卽宣化門。仰觀臺。見禁舍春亭。東觀奏記上將命令狐絢爲相。夜半幸舍春亭。召對。燾蠟燭一炬。方許歸學士院。南亭院。

東觀奏記。宣宗驛召羅浮山人。軒轅集赴京師。館於南亭院。仙韶院。舊書陳夷行傳。有仙韶院樂官尉遲璋。栢林院。通鑑王叔文入至翰林。而王伾入至栢林院。見李忠言牛昭容計事。宣化門。東觀奏記。王宗實爲

淮南監軍。宣化門受命將由右銀臺出。元英門。德宗貞元三年。作元英門及觀於大明宮北垣。元化門。大典閣本圖。在宮城東北隅。俟考。毬場門。大典閣本圖。毬場門在元武門外。按元武門外卽禁苑。不得有門。疑誤。

乾符門。東觀奏記。大中十二年。用鄭漳李鄴爲鄆王已下侍讀。時鄆王居十六宅。夔昭以下五王居大明宮內院。數日。追制改充夔王以下侍讀。五日。一入乾符門講讀。不知其處。

興慶宮。

興慶宮在皇城之東外郭城之興慶坊是曰南內距外郭東垣

武后大足元年睿宗在藩賜為五王子宅明皇始居之宅臨大池中宗時望氣者云此池有天子氣故嘗宴遊

此池上已泛舟以厭之南街東出春明門開元二年置宮因本坊為名十四年又取永嘉勝樂兩坊之半增廣之置朝堂十六年正月以宮成御朝德音釋徒以下罪二十年築夾城入芙蓉園自大明宮夾東羅城複道經通化門觀以達此宮次經春明延興門至曲江芙蓉

園而外人不知也

宮之正門西向曰興慶門其內興慶殿殿後為龍池

本是平地垂拱載初後雨水流潦成小池後又引龍首渠支分溉之日以滋廣至神龍景龍中欄巨數頃深至

數丈常有雲氣或見黃龍出其中本以坊名池俗亦呼五王子池置宮後謂之龍池拾遺蔡孚作龍池篇以讚其事公卿多和之按以坊名池蓋曰興慶池也新書田令孜傳有興慶池元宋瑛詩注云興慶池廣袤五七餘里荷菱藻夾欄望岸傍古垂楊甚多是元時尚有舊址興慶池南岸有草數蓬葉紫而心殷醉者摘草嗅之立醒名醒醉草見開元天寶遺事

池之西為文泰殿

天寶十載作文一作交

殿西北為沈香亭

在池東北開元中禁中初種木芍藥得四本上

因移於興慶池東沈香殿前

興慶門之南曰金明門門內有翰林院

學士院記曰駕在興慶宮則於金明門內置院張說上鬪羊表於金明門奉進按于休烈傳云國史開元實錄起居注等餘書三千六百八十二卷並在興慶宮

史館蓋亦在翰林院也

南面二門西曰通陽門東曰明義門

永樂大典載閣本興慶宮圖作初陽門

通陽之內曰明光門

在勤政樓東大和二

年修明光樓

其內曰龍堂

閣本圖龍堂在龍池內

金花落

據閣本圖方位載蓋衛士之居

曰五龍壇

在池南

明義之內為長慶殿

唐雜說曰明皇為太上皇居興

慶宮每置酒長慶樓南俯大道徘徊觀覽

殿北曰睿武門

通鑑李輔國迎上皇遊西內至睿武門輔國將射生五百騎露刃遮道

北面三門中曰躍龍門

天寶十三載御躍龍殿門張樂宴擊臣躍一作濯

其內瀛洲門南薰殿。殿南即池。左曰麗苑門。右曰芳苑門。芳苑之內。新射殿仙雲門。在瀛洲門東。宮之西南隅曰花

萼相輝樓。開元二十四年十二月。毀東市東北角。遺政坊西北角。以廣花萼樓前地。置宮後。寧王憲申王撝岐王範薛王業邸第相望。環於宮側。明皇因題花萼相輝之名。取詩人棠棣之義。帝時登樓。聞諸王音樂。咸召升樓。同榻宴諠。喬潭裴將軍舞劍賦。

序云。裴公獻捷。上御花萼樓置酒。其東曰勤政務本樓。樓南向。開元八年造。每歲千秋節。醕飲樓前。元和十四年。以左右軍官健三千人。修勤政

元一株柳。是樓北大同殿。殿壁有李將軍與吳道元畫嘉陵江山水。又畫五龍。鱗甲飛動。每欲大雨。卽罩煙霧。開元十七年。蜀州新

慶二年春。津縣興尼寺殿柱木文。隱起太上老君像。及天寶元年所得玉像老君。皆于大同殿供養。天寶七載。大同

殿柱產玉芝。殿前左右有鐘鼓樓。天寶十載六月。鐘樓鐘自鳴。三度。響六十下。中書門下有賀又有咸寧殿。舊書。順宗莊憲皇后王

表殿前爲大同門。西與翰林院直。中朝故事。每歲上巳日。許宮女於大同殿前骨肉相見。

義安殿。敬宗母王太后居此。積慶殿。文宗母肅太后居此。冷井殿。懿安郭太后崩於此。會寧殿。見舊唐書。莊

殿號義安殿太后。殿號積慶殿太后。冷井殿。殿。禁局作冷泉殿。會寧殿。恪太子傳。飛仙殿。

同光殿。榮光殿。宜天門。承雲門。飛軒門。玉華門。見六和風門。唐會要。興慶宮之集賢院。在和風門外橫街之南。

三苑

西京大內凡苑三。皆在都城北。

唐兩京城坊考 卷一

二五

西內苑在西內之北亦曰北苑

通鑑貞觀十七年引魏王泰入蕭牆門幽於北苑程大昌曰以太極宮之北亦曰北苑

南北一里東西與宮城齊

按大明宮左銀臺門內為

東內苑右銀臺門內其地即入西內苑然則西苑之地東出於宮城之東而近東偏者南北亦不止一里也

外垣門東為日營門西為月營門

按長安志曰內苑東曰東雲龍門西曰西雲龍門豈東西雲龍門即

日營月營

二門耶

北為重元門一曰魚欄門

其南門即宮城之定武門也

定武門北迤東為觀德殿□光殿

舊本長安志光上一字似

合字金字若作含則與禁苑覆俟考

迤西為廣達樓

或作廣遠禁扉作廣運今從舊本長安志圖舊書王君奭傳有廣達樓在東都

又西為永慶殿其北東為冰井臺西為通

過樓又西出西雲龍門而北則為大安宮

太宗初居承乾殿武德五年高祖以秦王有克定天下功特降殊禮別建此宮以居之號宏義宮八年帝臨幸謂羣臣曰朕以秦王有大功故於宮中立山村景勝

雅好之至貞觀三年徙居之改名曰大安宮

宮有垂拱前殿高祖崩於此又有戲武殿□文殿翠華殿祭酒臺 穆案永樂大典載大安宮圖與唐書長安志皆不合其圖南面三門中曰應天門左曰左掖門右曰右掖門北面一門無名西面無門東前一門曰集禧門蓋

通西內苑之門也應天門之內左右各有井一大安殿前曰仁壽門左曰日華門右曰月華門大安殿之後曰宜明門又北曰政和門門

內為仁政殿殿東西各有門一無名宜明門東首曰左嘉會門西首曰右嘉會門右嘉會門外為瑤池池之南隔一垣有一門無名更南

即右掖門也池之東北為蓬萊閣閣北一門無名左嘉會門東為承明門與集禧門相直承明門之北曰昭慶門與政和門相直承明門

之南曰會通門與大安殿相直又南曰敷德門與仁壽門相直又南即左掖門矣殿左右門內外各寫大木一章豈即所謂山村景勝耶

穆於道光二十三年八月

又西出苑入夾城

舊本長安志圖西苑之西當芳林門有二門東曰星欄門西曰萬石門疑入夾城北墻之門也按續當作隨

冰井臺之北曰櫻桃

從大典摹出附識於此

園。舊紀景龍四年四月游櫻桃園。內有拾翠殿看花殿。園之西爲祥雲樓。北至重元門。在東者歌武殿。在西者翠華殿。以上皆據

崔本長
安志圖 又有永安殿 見長 寶慶殿 禁廟引 西苑

東內苑在東內之東南隅。南北二里。東西盡一坊之地。南卽延政門。北卽左銀臺門。東卽太和門。苑之近

北。有左右雲龍門。陳鴻祖東城老父傳。寶昌。景龍四年持幕竿隨元宗入大明宮。誅章后。以長刀備親衛。詔徙家東雲龍門。元宗卽位。治雞坊於兩宮間。帝出游。見昌弄木雞於雲龍門道旁。召入爲雞坊小兒。按長安志與圖。左右雲龍門皆在苑。

西苑。中有龍首殿龍首池。通鑑注。龍首渠水自城南而注入於此池。大和九年毀銀臺門。又填龍首池以爲鞠場。池東有靈符應聖院。會昌元年造。僖宗崩於靈符殿。疑卽此院之殿。

照殿。元和十三年造。裴度傳作凝暉。看樂殿。小兒坊。內教坊。御馬坊。在東下馬橋頭。文宗置。毬場亭子殿。

禁苑者。隋之大興苑也。東距澹。通鑑。廣平王俶與僕固懷恩引回紇西城之兵自城南過營於澹水之東。胡身之注。過京城南。歷安化明德啓夏門外。繞京城東南角轉北。歷延興春明通化三門之外。至澹水。北枕

渭。西包漢長安城。南接都城。東西二十七里。南北二十三里。舊唐地理志。作三十里。玉海引作二十里。按長安志言永泰門去宮城二十三里。今從之。周一

百二十里。正南阻於宮城。故南面三門。偏於西苑之西。旁西苑者芳林門。唐末有芳林十哲。謂自此門入交中官也。亦謂之芳林園。元和十二年置新市。

於芳林 次西景曜門。又西光化門。西面二門。近南者延秋門。明皇幸蜀自此門出。次北元武門。北面通鑑李晟收京城使王佖將騎兵史萬頃

將步兵直抵苑牆神翬村。新將步兵直抵苑牆神翬村。新三門。近西者永泰門。次啓運門。次飲馬門。按漢宣平門外有飲馬橋。此門蓋以橋爲名也。東面二門。近北者昭

遠門。次光泰門。門臨澹水。通鑑上出苑門。度澹水。胡身之注。禁苑東面出澹水。無其門。蓋出光泰門耳。按朱泚之亂。李晟收京。苑城陳兵於光泰門外。又移軍光泰門外米倉村。程大昌云。光泰門在通化門北。小城之東門。門東七里。有長樂坡。

中四面有監。在東西者曰東監。西監。南面長樂監。北面舊宅監。又置苑總監領之。監有廩。在苑中。通鑑許明皇率兵誅韋后。會於鍾紹京廩。

是也。皆隸司農寺。苑中宮亭二十四所。可考者曰南望春亭。曰北望春亭。即望春宮。天寶二年。韋堅引澹水抵苑東望春樓下。爲潭。名廣運潭。在長安城東九里。

楊復光收復京城。奏捷露布云。雁門節度使李克用。今月八日。遣牙隊將前鋒楊守宗等三十二都。隨李克用。自光泰門先入京師。從卯至申。羣兒大潰。自望春宮前。登殺至昇陽殿下。按望春宮內有昇陽殿。放鴨亭。見禁扇本紀。大和元年。毀昇陽殿。東放鴨亭。

坡頭亭。曰柳園亭。曰月坡。曰毬場亭子。曰青城橋。曰龍鱗橋。曰棲雲橋。曰凝碧橋。疑卽凝碧池之橋。敬宗幸凝碧池。令軍士取魚。長大者送

新浚池。曰上陽橋。德宗迎沈太后。入上陽宮。在大明宮之西。疑橋卽上陽宮之橋。曰廣運潭。宋崔敦禮廣運潭銘序云。唐天寶紀元之九年。陝郡太守韋堅。有請治漢隋運渠。起關門。抵長安。以運山東之賦。有詔從之。乃絕灊澗。並

渭而東。至永豐倉。復興渭合。又鑿潭於望春樓下。曰九曲宮。去宮城十二里。在左右神策軍後。李氏圍九曲宮。在魚藻宮之東。偏北。以聚舟。越二年。潭成。天子臨幸。嘉爲錫名。廣運。長安志言。宮中有殿。舍山池。按舊書。莊恪太子傳。昭宗遇弒之日。蔣元

暉於西內置社筵酒酣德王已下六王皆爲元暉所殺投屍九曲池疑卽此宮之池。

曰魚藻宮。

貞元十二年浚魚藻池深一丈穆宗又發神策六軍二千人浚之唐會要宮去宮城十三里在禁苑神策軍後宮中有九曲山池貞元十三年詔魚藻池先深

一丈更濶四尺。通鑑注言自東內苑光化門入禁苑魚藻宮在其西。按玉海云禁苑池中有山山上建魚藻宮在大明宮北則胡氏說非也。

曰蠶壇亭。

在苑東皇后祀先蠶之所。

曰禎興亭。

李氏圖在飛龍院東。

曰元沼

宮。李氏圖重元門北爲凝碧池池西爲元沼宮。

曰神皋亭曰七架亭曰青門亭。

卽邵平種瓜之所在長安城東去宮城十三里。

曰桃園亭。

去宮城四里。按舊紀景龍四年宴桃花園疑

卽此園。曰臨渭亭。按臨渭水當在苑之北。

其隸舊宅監者七所曰咸宜宮。

漢之舊宮去宮城二十一里。蘇頌傳元宗游咸宜宮羽獵。

曰未央宮。

長安志武宗會昌元年因

游敗至未央宮見其遺趾詔葺之總二百四十九間作正殿曰通光東曰詔芳亭西曰凝思亭立端門其內揭未央宮名命學士裴素撰記。通鑑貞觀七年從上皇置酒故漢未央宮胡注未央宮在長安宮城北禁苑西偏。

曰西北角亭曰南

昌國亭曰北昌國亭曰流杯亭。

禁扁作游杯皆在未央宮北。

曰明水園。

李氏圖皆在漢長安城內。

皆漢故蹟也。

通鑑注漢長安城東西十三里皆隸入苑中。余同年友

王氏森文所作漢唐長安城圖皆親自履勘較長安志圖爲精審故作禁苑圖用其說凡圖中所載者皆實有舊址可考也。

所謂梨園者在光化門北。

長安志梨園在通化門外正北按通化外郭東面之門蓋卽光化之誤。

高宗紀儀鳳元年八月停南北中尙梨園作坊。中宗紀景龍四年二月令五品以上并學士自芳林門入集梨園卽此園也。至明皇置梨園弟子乃在蓬萊宮側非此梨園。

近梨園者有蒲萄園。

長安志禁苑有東西蒲萄園。舊書李適

傳中宗時春幸梨園夏宴蒲萄園。

又有昭德宮。

李氏圖在九曲宮南。

光啓宮。

見長安志。

含光殿。

李氏圖在魚藻宮西。

飛龍院驥德殿。

李氏圖飛龍院近飲馬門內驥德殿在院東南。

虎圈、

李氏圖在禁苑東北隅。又有雲韶院當在梨園故不數。

白華殿、

朱泚自含元殿徙居白華殿。通鑑注云白華殿蓋近光泰門內。大明宮東北隅。又云當在大明東苑之東。是亦在禁苑。

會昌殿、

長安志禁苑南有文宗會

昌西樓

通鑑魏徵將葬上登苑西樓。哭盡哀。胡身之注長安禁苑之西樓。

不知其處。

唐兩京城坊考卷之二

西京

外郭城

外郭城。隋曰大興城。唐曰長安城。亦曰京師城。前直子午谷。後枕龍首山。左臨灊岸。右抵灃水。東西一十

八里一百一十五步。

舊書地理志云。長六千六百六十步。按當作六千五百九十五步。

南北一十五里一百七十五步。

地理志。廣五千五百七十五步。

周六十七

里。地理志。周二萬四千一百二十步。

其崇一丈八尺。

隋開皇二年築。永徽四年。率天下口稅一錢。更築之。開元十八年四月。築西京外郭。

南面三門。正中明德門。

北當皇城朱雀門。南出抵終南

山入

東啓夏門。

門外西南二里有園丘及先農藉田。二壇。按長安圖東南角有進芳門。

西安化門。東面三門。北通化門。

門東七里長樂坡上有長樂驛。下臨灃水。至德二載。改爲達禮門。兩

京道里記曰。通化門。改達禮門。識者曰。三年之喪。天下達禮。非嘉名。三年而元肅晏駕。還復舊名也。裴度李吉甫李光顏之出鎮。天子皆御此門送之。李義瑛致仕歸東都。公卿餞於此門外。

中春明門。

當門外有漢太子太傅蕭望之墓。

南延

興門。

同昌公主葬。懿宗與郭淑妃御延興門哭送。按通鑑隋紀。李淵遷館於安興坊。胡身之法。安興坊蓋在安興門外。又引雍錄。長安城東面三門有安興。是延興先爲安興。不知何時改。

西面三門。北開遠門。

德宗避朱泚傳

宗避黃巢，皆由此門出。南部新書開遠門外立墩，云西去安西九千九百里，示戎人不為萬里之行。

金光門。

西出趣昆明池。

南延平門。

李光弼薨詔宰臣送於此門外。

北面，即禁苑之南面。

也。三門皆當宮城西。中景曜門，東芳林門。

隋曰華林門，北入苑，舊書高士廉傳，誅隱太子，士廉率吏卒馳至芳林門，元和十三年，西市百姓於芳林門置無遮僧齋。

西光化門。

西北出趣。

漢故

郭中南北十四街，東西十一街，其間列置諸坊。

隋煬帝改坊為里，每里置里司一人，官從九品下，至義寧初廢。雍錄，每坊皆有門，自東西以出橫街，而坊北無門，其說曰北出即損斷。

地脈，此厭勝術也。隋文帝多忌諱，故有司希意如此。按此說非也。呂大臨長安圖云：皇城之南三十六坊，各東西二門，縱各三百五十步，中十八坊，各廣三百五十步，外十八坊，各廣四百五十步。皇城左右共七十四坊，各四門，廣各六百五十步，南六坊，縱各五百五十步。

北六坊，縱各四百步，市居二坊之地，方六百步，面各二門，四面街各廣百步。

有京兆府萬年長安二縣所治寺觀、邸第、編戶錯居焉。

城中一百八坊，韋述記曰，其中有折衝府四。

寺六十四，尼寺二十七，道士觀十，女觀六，波斯寺二，胡祇祠四，隋大業初，有寺一百二十，謂之道場，有道觀十，謂之元壇，天寶後所增不在其數。

當皇城南面朱雀門，有南北大街，曰朱雀門街。

東西廣百步。

南出郭外之明德門，自朱雀門至明德門，九里一百七十五步。

萬年長安二縣，以此街為界。萬年領街東五十四坊及東市，長安

領街西五十四坊及西市。

皇城之東盡東郭，東西三坊，皇城之西盡西郭，東西三坊，南北皆一十三坊，象一年有閏，每坊皆開四門，有十字街，四出趣門，皇城之南，東西四坊，以象四時，南北九坊，取則周禮九達之制，隋三禮圖見有

其像。朱雀街東第一坊，東西三百五十步，第二坊，東西四百五十步，次東三坊，東西各六百五十步，朱雀街西準此。皇城之南九坊，北各三百五十步，皇城左右四坊，從南第一坊，南北各五百五十步，第三坊，第四坊，南北各四百步，兩市各方六百步，四面街各廣

萬年縣所領朱雀門街之東從北第一興道坊。

景龍三年以駙馬都尉武攸暨父名改曰瑤林坊景雲元年復舊朝野僉載開元八年京興道坊一夜陷為池沒五百家按

事不見他書未可信

西南隅至德女冠觀。

隋開皇六年立唐語林宣宗微行至德觀有女道士盛服濃妝者赫怒歸宮立召左街功德使宋叔康令盡逐去別選男子二人住持其觀。

太平公主宅。

沒官後賜散騎常侍李令問居之。

吏人宅。

尚書故實郭侍郎承緞初應舉誤納試卷一老吏為換出承緞歸親仁坊自以錢三萬送詣興道里酬之。

旅館。

廣異記岐州佐史嘗因事至京停興道里乾牒子隴西李倍伯元和初調選時上都興道里假居早往崇仁里訪同選人忽

於興道東門北下曲馬前見一短女人服孝衣約長三尺已來咄咄似有所尤如此兩日稍稍人多只在崇仁北街居無何倍伯自省門東出及景風門見廣衛中人鬧已萬萬如東西隅之戲場大圍之有一小兒突前牽其幕首布遂落見三尺小青竹掛一觸髅金吾以其聞事上

次南開化坊。

半以南大薦福寺。

寺院中以東隋煬帝在藩舊宅武德中賜尚書左僕射蕭瑀為西園後瑀子銳尚襄城公主詔別營主第主辭以姑婦異居有關禮則因固陳請乃取園地充主第又辭公主榮戟不欲異門乃併施瑀之院門襄城薨後官市為

英王宅。文明元年。高宗崩後百日。立爲大獻福寺。度僧二百人。以寶之。天授元年。改爲薦福寺。中宗即位。大加營飾。自神龍以後。翻譯佛經。並於此寺。寺東院有放生池。周二百餘步。傳云。卽漢代洪池陂也。名畫記。薦福寺額。天后飛白書。寺內有吳道元張瓌畢宏畫。常東名思恆律師銘。律師終於京大薦福寺。王維有大薦福寺道光禪師塔銘。又有薦福寺光師房花藥詩序。張又新煎茶水記云。與同年期於薦福寺。余與李德垂先至。憩西廂元鑿宅。又任華有薦福寺後院送辛嶼尉洛郊序。曹松有薦福贈自上人詩。按唐時官賜額者。爲寺。私造者爲招提蘭若。又謂之山齋野邑。南部新書。長安戲場多集於慈恩。小者在青龍。其次薦福永壽。

西門之北法壽尼寺。

隋開皇六年立

太傅蓋文達宅。

于志寧蓋文達墓碑。薨雍州開化坊里第。

右武衛將軍柳嘉泰宅。

鄭納柳嘉泰碑。終於長安開化里之私第。

國子祭酒韓洞宅。尙書左僕射令狐楚宅。

按酉陽雜俎。楚宅在開化坊。牡丹最盛。而李商隱詩。

多音晉陽里第未詳。

戶部尙書馬總宅。河東節度使兼侍中李光顏宅。

舊書李光顏傳。賜開化里第。

尙書吏部侍郎沈傅師宅。

杜牧

師行狀。於京師開化里。致第價錢三百萬。訖二鐘。率滿之。及在牀之日。周身之飾。易以任器。

前司徒兼侍中崔垂林宅。

舊本作崔垂休

開府儀同三司守司空魏國公崔

允宅。

通鑑。崔允居第在開化坊。

次南安仁坊。

本名安民。永徽元年改。

西北隅。薦福寺浮圖院。

院門北開。正與寺門隔街相對。景龍中。宮人率錢所立。柳宗元鶴說有驚曰。鶴者。集於長安薦福浮圖有年矣。

東南隅。贈尙書左僕射劉延景宅。坊

西南汝州刺史王昕宅。

延景即寧王憲之外祖。昕即薛王業之舅。皆是親王外家。甲第並列京城之美。

萬春公主宅。

元宗第二十五女。初降楊肱。又嫁楊錡。

戶部尚書兼殿中

監章仇兼瓊宅。前中書侍郎同中書門下平章事元載宅。

譚賓錄曰。元載城中開南北二甲第。又於近郊起亭榭帷帳。什器皆如宿殿。城南別墅。凡數十所。婢僕曳羅綺二百餘人。

杜陽編曰。載宅有芸輝堂。芸輝。香草名也。出于闐國。唐實錄曰。毀元載祖及父母墳墓。斷棺棄槨。及焚毀載私廟木主。并毀大寧安仁里二宅。充修葺百司廨宇。汗宮之義也。又貶同州刺史。永暉爲澧州員外司馬。晦嘗任魏州刺史。率百姓採盧氏山木。爲載造東都私第。故也。

義成軍節度使同中書門下平章事上谷郡王張孝忠宅。

權德輿孝忠夫人谷氏神道碑。夫人終安仁里私第。

太子右庶子崔造宅。

權德輿崔公夫人柳氏附葬墓誌。故相國安平公夫人河東縣君考終命於京師安仁里。

太子賓客燕國公于頔宅。

權德輿衛國夫人李氏墓誌。薨於安仁里第。夫人即于公之妻。

武昌軍節度使元

稹宅。

按唐詩紀事。元稹贈毛仙翁詩序。仙翁謂余曰。入相之年。相候於安仁里。余拜而言曰。果如仙約。然香拂榻。以俟靈駕。雲溪友議。亦言安仁元相。相是元稹入相時居此里。

太保致仕岐國公杜佑宅。

舊唐書杜佑

傳。甲第在安仁里。權德輿杜佑墓誌。啓手足於京師安仁里。按杜牧上宰相求湖州第二啓。某幼孤貧。安仁舊第。置於開元末。有屋三十間而已。元和末。酬償息錢。爲他人有。因此移去。八年中。凡十徙其居。奔走困苦。無所容歸。於延福私廟支拄。敝壞而處之。然牧自撰墓銘云。某月某日。終於安仁里。是其後仍得舊居也。

次南光福坊。

隋有聖經寺。大業七年廢。

坊東南隅，舊有永壽公主廟。

公主，中宗第五女，降韋輔，早薨。景雲中廢廟，賜姜皎為鞠場。皎宅在廟北，隔街舊實懷貞宅，懷貞誅後，賜皇后妹夫實庭芳。

驩州流人竇參宅。

唐語林相國竇

參居光

福里第

檢校司空尚書左僕射同中書門下平章事魏國公賈耽宅。

鄭餘慶賈耽碑，終於光福里第。

翰林學士李泌宅。

通鑑徵李

泌於衡山，賜

第於光福坊。

右衛上將軍南充郡王伊慎宅。

權德輿伊慎碑，薨於光福里。

太子賓客劉禹錫宅。

劉禹錫有酬鄭州權舍人見寄詩，注舍人舊宅光福里，時忝東鄰。

禮部尚書同平章事權德輿宅。

權德輿，孫進馬墓誌，天於光福里，又獨孤氏亡女墓誌，故祕書少監，贈絳州刺史獨孤郁妻天水權氏，寢疾，終於京師光福里，蓋終於母家也。

周皓宅。

白居易，有宴周

皓大夫光福宅詩，又題周

皓大夫新亭子二十二韻。

興元尹兼同平章事充山南西道節度使王起宅。

舊書王播傳，京城光福里第，王起兄弟同居，斯為宏敞。

次南靖善坊。

大興善寺，蓋一坊之地。

初曰遵善寺，隋文承周武之後，大崇釋氏，以收人望，移都先置此寺，以其本封名焉。神龍中，韋庶人追贈父貞為鄆王，改此寺為鄆國寺。景雲元年，復舊寺塔，記云：不空三藏塔前多老松，歲旱時，官伐其枝為龍

骨以祈雨，蓋以三藏役龍，忘其枝必有靈也。東廊素和尙院庭，有青桐四株，元和中，卿相多遊此院，桐至夏有汗，汚人衣，如蠟脂，不可洗。昭國鄭相惡其汗，謂素曰：弟子為伐此樹，各植一松也。及暮，素戲祝曰：我種汝二十餘年，汝以汗為人所惡，來歲若復有汗，我必斫之。自是無汗。天王閣，長慶中造，本在春明門內，輿南內連牆，其形高大，為天下之最。大和二年，敕移就此寺，拆時，腹中得布五百端，漆數十筩。寺有左顧給像，于闐玉佛菩薩像，名畫記寺有劉焉尹琳吳道元畫，行香院堂後壁，有梁洽畫雙松，髮塔內有隋朝舍利旃檀像。

堂中有隋時
寫時非時經

次南蘭陵坊。

東宮隅。天官尚書韋待價宅。宅西工部尚書李珍宅。汝州魯山縣令皇甫枚宅。

三水小牘。咸通辛卯歲。皇甫元真來京師。寓於玉芝觀之上清院。皇

甫枚時居蘭陵里。第日與相從。

忠武軍節度使曲環家廟。太子賓客燕國公于頔家廟。

權德輿于公先廟碑。元和五年。相國司空燕國公立新廟於京師蘭陵里。

李舍人

宅。楊巨源有送李舍人歸蘭陵里詩。

蕭氏池臺。

詳下永寧坊殷保暉宅下。

次南開明坊。

自興善寺以南四坊。東西盡郭。率無第宅。雖時有居者。煙火不接。耕墾種植。阡陌相連。

光明寺。

次南保寧坊。

昊天觀。盡一坊之地。

貞觀初。爲晉王宅。顯慶元年。爲太宗追福。立爲觀。高宗御書額。并製嘆道文。唐語林。京中昊天觀。旣後井。俗傳與惠山泉脈通。李衛公取諸流水。稱量。惟惠山與昊天等。獨孤及新平長公主。故李女姜氏墓誌。姜

氏卒於京師昊天觀。

次南安義坊。

坊南抵京城之南面西南通明德門。

貞順武皇后廟。

禮閣新儀曰開元二十五年立廟。乾元之後祠享遂絕。

右朱雀門街東第一街九坊。

朱雀門街東第二街。

北當皇城南面之安上門。

街東從北第一務本坊。

景龍三年以駙馬都尉楊慎交父名。嘉本改爲王棟坊。景雲元年復舊。

半以西國子監。

監東開街若兩坊。街北抵皇城。南盡一坊之地。監中有孔子廟。貞觀四年立。按開成石經舊在務本坊。蓋立於國子監也。

領國子監太學四門律書算六學。

唐語林。天

寶中國學增置廣文館。在國學西北隅。與安上門相對。按國學之北即安上門。

坊內南街之北先天觀。

景龍三年。韋庶人立爲翊聖女冠觀。景雲元年。改景雲觀。天寶八載。改爲龍興道士觀。至德三載。改先天觀。本司空梁國公房元齡

宅。杜光庭歷代崇道記。乾元二年。於務本坊先天觀聖祖院。獲黑髭老君之像。

左龍武軍統軍歸誠郡王程懷直宅。

德宗賜懷直務本里宅。詳安業里下。

河中節度使兼中

書令延德郡王張茂昭宅。

權德輿張茂昭墓誌。太尉兼中書令延德郡王。自河中來朝。發瘡斃於京師務本里第。

左散騎常侍于德晦宅。嶺南節度判官宗

義仲宅。

豆盧誥宗義仲碑，捐館於上京務本里第。

檢校司徒同中書門下平章事盧鈞宅。

太平廣記引神仙感遇傳，盧公還京，署鹽鐵判官，夏四月於務本東門道左見王山人至盧宅。

西

川齊州進奏院。

通鑑朝集使京師無邸，率僦屋與商賈雜居，貞觀十七年始命有司爲之作邸，舊紀大曆十二年五月甲寅，諸道邸務在上都，名曰留後，改爲進奏院，有官居之，郭子儀祭貞懿皇后文，遣上都進奏院官傅濤是也，演繁

露引宋會要云，唐藩鎮皆置邸京師，謂之上都留候院，則留後當作留候。

旅舍。

羯鼓錄，廣德中，蜀客前雙流縣丞李琬調集至長安，僦居務本里。

鬼市。

輦下歲時記曰，俗說務本坊西門是鬼市，或風雨曠晦，皆聞其喧聚之聲，秋冬夜多聞賣乾柴。

云是枯柴精也，又或月夜聞鬼吟，六街鼓絕行人歇，九衢茫茫空有月，有和者云，九衢生人何勞勞，長安土盡槐根高。

次南崇義坊。

按通鑑甘露之變，右神策軍穆左金吾衛大將軍韓約於崇義坊斬之。

鹽鐵常平院。

按司空圖避賊常平倉下，蓋卽此常平院也，詳下司空圖宅。

坊內橫街之北招福寺。

乾封二年，睿宗在藩所建，本隋正覺寺，寺南北門額，並睿宗所題，寺塔記，正覺寺，國初毀之，以其地立第。

賜諸王，睿宗在藩居之，乾封二年，移長寧公主佛堂於此，重建此寺，長安二年，內出等身金銅像一鋪，並九部樂，南北兩門額，上與岐薛二王親送至寺，綵乘象輿，羽衛四合，街中餘香數日不散，景龍二年，詔寺中別建聖容院，是睿宗在青宮真容也，先天二年，敕出內庫錢

二千萬，巧匠一千人重修之，聖容院門外，鬼神數壁，自內移來，畫跡甚異，鬼所執野雞，似覺毛起，庫院鬼子母，貞元中，李真畫。

蜀王西閣祭酒蕭勝宅。

見勝墓誌

西南隅，太子左庶子駙馬

都尉蘇勛宅。

後爲英王園，其地湫下，無人居，勛尙高祖女南昌公主。

南街之北，博陵郡王崔元暉宅，宅西祕書監馬懷素宅，刑部尙書韋

擊宅贈太尉段秀實宅

德宗所賜。宣宗大中十年。詔秀實崇義坊宅諸院。典在人上計錢三千四百七十五貫。宜賜莊宅錢收贖。仍令鴻臚少卿段又楚追貼舍人計會。

尚書左僕射竇易直宅。

明皇雜錄曰。本中書令崔圓宅。祿山盜國。王維鄭虔張通皆處于賊庭。消尅復。俱囚於宣陽里楊國忠之舊宅。崔圓因召于私第。令畫各有數壁。當時皆以圓勳貴無二。望其救解。故運思精巧。頗極能事。其後皆得寬典。至於貶謫。悉獲善地。其第毀於易直。大和中畫尙存。

劍南東川節度使王承業宅

武俊之孫。士貞子也。王楚材按舊書。王武俊四子。士真。士清。士平。士則。然則士貞蓋即士真。士真五子。承宗。承元。承通。承迪。承榮。承宗。惟爲成德軍節度使。未嘗節度劍南。承業。蓋承榮傳寫之譌。

太常寺協律郎李賀宅

見賀集。申胡子。虜栗歌序。申胡子。朔客李氏之著頭也。李氏亦世家子。吾與對舍於長安崇義里。

前進士司空圖宅

司空圖。段章傳。廣明庚子歲。冬十二月。寇犯京。圖寓居崇

義里。九日。自里豪楊瓊所轉。歷常平倉下。

興元鄜坊易定進奏院

次南長興坊

隋有靈感觀。武德初廢。唐會昌五年。詔皇城。南六坊內不得置私廟。其朱雀街。緣是南郊御跡。至明德門夾街。兩面坊及曲江側近。亦不得置。餘園外深僻坊。雖無所禁。初武宗行禮南郊。見天街左右諸坊。有人家私廟。遂

令禁斷。中書門下奏。朱雀門至明德門。凡有九坊。其長興坊。是皇城南第三坊。便有朝官私廟。實則逼近宮闕。自威遠軍向南。三坊。俗稱圍外地。至閑僻。於此置廟。無所妨礙。從之。南部新書。貞元元年十一月。京兆奏。有人於長興坊得玉璽。文曰天子

信

禮賓院

院在坊之北街。元和九年六月。置。按院即禮會院。自崇仁坊移此。敬宗初。又廢。以賜教場。

乾元觀

代宗實錄曰。大曆十三年七月。以涇原節度使馬磷宅作乾元觀。道士四十九人。其地在皇城南長興里。磷初創是宅。重價募天下

巧工營繕屋宇宏麗冠絕當時。璿臨終獻之代宗以其當王城形勝之地。牆宇新潔。遂命爲觀。以追遠之福。上資肅宗加乾元觀之名。乾元肅宗尊號也。按代宗實錄以爲璿獻爲觀。德宗實錄與德宗紀皆云帝命毀之。未詳孰是。

左領軍府大將

軍房仁裕宅。

房仁裕母李夫人碑。幾於長興坊之第。

東北隅侍中駙馬都尉楊師道宅。

師道尚高祖第五女長廣公主。宅地後分裂爲左監門大將軍韓琦尙書刑部侍郎崔元童府司

馬崔光意等居。

坊內橫街之南中書令張嘉貞宅。

本太常少卿崔日知宅。唐書曰貞元中裴延齡爲德陽郡主治第。時將降郭縱。延齡令嘉貞之子徒所置廟。德宗不許。長安志引章述記云延齡所徙乃嘉貞家廟。

嘉貞宅在思順里。今無思順坊未詳。

宅西太子賓客元行沖宅。次北隔街禮部尙書致仕王邱宅。紀國大長公主宅。

肅宗第五女。始封宜寧。降

鄜蒲。呂溫公主墓誌。肅宗第二女。薨於長興里之私第。

漢陽大長公主宅。

順宗長女。卽德陽郡主也。降郭縱。

河南尹駙馬都尉鄭顯宅。

舊書鄭綯傳。鄭顯嘗爲詩序曰。去年壽昌節。赴顯德

殿上壽。回懸於長興里第。按顯尙宣宗長女萬壽公主。

同平章事駙馬都尉于琮宅。

琮尙宣宗第四女。廣德公主。

工部尙書致仕晉昌郡王辛京杲宅。黃

門侍郎同中書門下平章事杜鴻漸宅。

鴻漸於長興第崇飾門館。賦詩曰。常願追禮侶。安能挹化源。朝士多和之。

太子右庶子韋聿宅。

權德輿韋聿墓誌。以官壽發於長興

里。國子祭酒鄭仲宅。

貞元時人。

禮部侍郎裴士淹宅。

西陽雜俎。開元末。裴士淹爲郎官。奉使幽冀。回至汾州。衆香寺得白牡丹一窠。植於長興私第。當時明公有裴給事宅看牡丹詩。

鎮海

軍節度使同中書門下平章事路隨宅。河南節度使王璠宅。

舊書王璠傳。李訓敗之日。璠歸長興里第爲禁軍所捕。

左神武統軍史憲忠

宅贈太原郡夫人王氏宅

王維工部楊尚書夫人王氏墓誌奄歸大寂於長興里之私第

戶部尚書李暉宅

舊書李暉傳暉為戶部尚書規為吏部尚書知政事暉為戶部侍郎銀青光祿大夫兄弟

同居長興里第兩國公門十六載一三品門十二載榮耀冠時

鎮州進奏院畢羅店

酉陽雜俎柳璟知舉年有國子監明經畫夢倚徙於監門有一人負衣囊訪問明經姓氏明經語之其人遂邀入長興里畢羅店常所過處夢忽覺見長

興店子入門曰即君與客食畢羅計二斤何不計直而去也明經大駭解衣質之

旅館

酉陽雜俎段成式元和中假居在長興里

次南永樂坊

按永樂舊書裴度傳作平樂

西南隅廢明堂縣廨

總章元年分萬年縣置其廨地本越王貞宅長安三年廢還萬年後以其廨地賜駙馬都尉裴巽

縣東宅都觀

隋開皇七年道士孫昂為文帝所重常自開道特為立觀本在永興坊武德初

徙於此地本隋寶勝寺

觀東永壽寺

景龍三年中宗為永壽公主立按光福坊有永壽公主廟元稹答姨兄胡璽之詩注璽之寓居永樂南街廟中疑即此寺也名畫記永壽寺有吳道元畫

坊內橫街之北資

敬尼寺

隋開皇三年大保薛國公長孫覽為其父立按舊書元載傳載得罪其女資敬寺尼真一收入掖庭又韓遊瓌傳李廣宏者落髮為僧會於資敬寺尼智因之室以酒食結殿前射生將韓欽緒等同謀為逆

東南隅左丞相

燕國公張說宅

本侍中王德貞宅說大加修葺焉常侍言旨曰洪師與說置永樂東南第一宅有永巷者戒曰此宅西北隅最是王地慎勿於此取土越月洪又至謂燕公曰此宅氣候忽然索漠恐必有取土於西北隅者公與洪偕行至宅西北

隅果有取土坑三數坑皆深丈餘洪大驚曰禍事令公富貴一身而已更二十年外諸郎君皆不得天年燕公大駭曰墳之可乎洪曰客土無氣與地脈不相連今欲填之亦猶人有瘡疖雜以他肉補之終無益也燕國公子均垣皆為祿山委任克復後均賜死垣長流之

東門之南夏官尙書王璿宅。兵部尙書判戶部事王紹宅。

李絳王紹碑終永樂里私第。

司徒中書令晉國公裴度宅。

唐寶錄曰。

度自興元請朝謁宰相李逢吉之徒。百計嚙沮。有張樞輿者。既爲喉犬。尤出死力。乃上疏云。度名應圖讖宅。據岡原。不召而來。其意可見。蓋常有人與度作讖詞云。非衣小兒。其腹。天上有口。被驅逐。言度曾征討淮西平吳元濟也。又帝城東西橫亘六岡。符易象乾卦之數。度永樂里第。偶得第五岡。故權輿以爲詞。盡欲成事。然竟不能動搖。

大理卿崔昇宅。

崔昇妻鄭氏墓誌。終於京兆府永樂里之私第。

左監門衛上將軍李思忠宅。

武宗會昌三年。嗚沒斯內屬賜

李姓。名思忠。命爲左監門衛上將軍兼撫王傅。賜第永樂坊。

尙書兵部侍郎同中書門下平章事蕭寘宅。冀州刺史蘇過宅。

博異志。天寶中。長安永樂第有一凶宅。居

者皆破。後復無人住其舍宇。惟堂廳存。有扶風蘇過。苦貧窮。乃以賤價與本主質之。至夕。自攜一榻。當堂鋪設而寢。忽見東牆下有赤物。如人形而叫曰。咄。西牆下有物。應曰。諾。過乃於西牆下掘入地三尺。見一朽柱。當心。木如血色。其堅如石。又於東牆下掘近一丈。見一方石。闊一丈四寸。長一丈八寸。上以篆書曰。夏天子紫金三十斤。賜有德者。又掘丈餘。得一鐵甕。開之。得紫金三十斤。送爛木於昆明池。遂閉戶讀書。三年。爲范陽請入幕。七年內獲冀州刺史。其宅更無事。

前京兆尹楊憑別宅。

詳下永寧

侍中王珪家廟。

南部新書。貞觀六年。文皇爲王珪置廟於永樂坊東北角。

趙緞宅。

按趙緞有下第後歸永樂里自題二首。

崔生宅。

博物志。博陵崔書生。生長安永樂里。

古冢。

在坊內橫街之

中。李濟翁資暇集云。永樂坊內古冢。今人皆呼爲東王公墓。有祠堂如其上。俗以祈祀稱造化東王公。大謬也。案韋氏兩京新記云。未知姓名。時人誤爲東方朔墓也。當時人已誤。今又轉東方朔爲東王公。後代必更轉爲東里子產矣。

次南靖安坊。

按靖或作靜。羅隱陸生東遊序。余窮棄長安中二年。時時于遊騁閒面人。一年。遇生於靖安里中。

樂府

隋置在崇敬尼寺東

西南隅崇敬尼寺

本僧寺隋文帝所立大業中廢龍朔二年高宗爲高安公主立爲尼寺高宗崩後改爲宮以爲別廟後又爲寺

咸宜公主宅

元宗第二十二女初嫁楊潤又

嫁崔嵩

太子賓客崔倫宅殿中少監唐昭宅

女端墓誌女子字端蓋殿中少監唐昭之第三女也終於京兆靜安里之第

門下侍郎同中書門下平章事

武元衡宅

舊書武元衡傳元衡宅在靜安里元和十年六月三日將朝出里東門賊射之中肩又有匿樹陰突出者以楛擊元衡左股乃持元衡馬東南行十餘步害之及衆呼借至持火照之見元衡已踣於血中卽元衡宅東北隅牆之外

尙書

吏部侍郎韓愈宅

皇甫湜作神道碑李翱作行狀皆言愈薨靖安里第昌黎集息國夫人墓誌云乞銘於其鄰韓愈按夫人爲靈州節度使李樂妻則樂宅亦當在此里

刑部侍郎劉伯芻宅

按劉伯芻

又有安邑坊宅見安邑坊下

郴州司馬李宗閔宅

宣室志唐丞相李宗閔嘗退朝於靖安里第其榻前有鬃斗忽跳擲久之唐語林元和已來宰相有兩少師故以所居別之永寧少師固言靖安少師宗閔也

水部郎

中張籍宅

張籍移居靖安坊荅元八郎中詩云長安手裏多時住籍先居延康里見白居易詩後寓居寺中又移居靖安也

武昌軍節度使元稹宅

白居易寄微之詩樹依興善老草傍靖安裏注云微之宅

在靖安坊西近興善寺按興善寺在靖善坊靖善東與靖安鄰故元宅西與之接也元集亦有靖安窮居詩又荅姨兄胡靈之詩注云予宅在靖安北街微之宅中有辛夷兩樹樂天與微之常遊息其下亦見長慶集詩注按微之有宅已見安仁坊蓋又移居安仁也

檢校司空邠州刺史邠寧節度使程執恭宅

舊唐程懷直傳子執恭至京師表辭戎帥以靖安里私第側狹賜地二十畝令廣其居

給事中蕭直宅

獨孤及蕭直墓誌終

於靖安里正廳

韓國貞穆公主廟

禮閣新儀曰德宗女自唐安公主追册貞元十七年耐廟

旅舍

穆員河南少尹裴濟墓誌卒於京師靖安里之旅舍

次南安善坊。

盡一坊之地為教弩場。

隋明堂在此坊。高宗時併此坊及大業坊之半立中市。署領口馬牛驢之肆。然已偏處京城之南。交易者不便。後但出文符於署司而已。貸觀者並移於市。至武太后末年廢為教弩場。其場隸威遠軍。按威遠

軍當即在此坊。元續

詩注。予宅又南鄰弩營。

次南大業坊。

本名宏業。神龍中。避孝敬皇帝諱改。

東南隅。太平女冠觀。

本宋王元禮宅。儀鳳二年吐蕃入寇。求太平公主和親。不許。乃立此觀。公主出家為女冠。初以頒政坊宅為太平觀。尋徙於此。公主居之。其頒政坊觀改為太清觀。公主後降薛紹。不復入觀。西有駙馬都尉楊慎交山

池。本徐王元禮之池。

新昌觀。

次南昌樂坊。

行臺右僕射屈突通宅。

舊本作左僕射

太子太師鄭國公魏徵家廟。

大中中來孫懿為相。再新舊廟。以元成為封祖。畢氏曰。元成徵之字。崔瑛魏公先廟碑。立家廟於長安昌樂里。

山

南東道節度使蔣係家廟官園。

坊西官園。供進梨花蜜。

次南安德坊。

坊南抵京城之南，面東卽啓夏門。

右武衛將軍蘇方宅。術士桑道茂宅。

右朱雀門街東第二街九坊

